

META CORP PREPARANDO PA BAI ENGRANDECE E GRAN CELEBRACION DI ARUBA SU CARNAVAL 60...

** Ayera den Boardroom di Renaissance Marina Hotel, MetaCorp a realiza nan conferencia di prensa pa asina informa nan programa pa e gran celebracion di Aruba su Carnaval 60. Di e forma aki tambe Meta Corp ta contribui na e celebracion cultural di mas grandi di Aruba.

Meta Social Club conhuntamente cu Bacardi lo presenta pa fakkel optocht e tema "Happy Bacardi Bats". E tema lo ta basa ariba un fantasia di e logo di Bacardi cual ta un producto di e compania Tropical Balashi y lo ta e main sponsor di e grupo pa Fakkel Optocht. Cada persona lo ricibi un t-shirt cu e logo di Bacardi. Tambe e hende homber lo haja un gangster hat di payette color preto of cora y e logo di Bacardi ariba dje. E hende muher lo tin opcion entre un bandeau cu vleermuis cu luz of un gangster hat color preto of cora cu e logo di Bacardi ariba dje. Tambe e participantenan lo ricibi algo pa hiba den nan man y lo tin accesorio disponibel na benta pa tur participante. Pa paradanan grandi di anochi, esta Parada di Luz na San Nicolas y Lighting Parade na Oranjestad, Meta Social club su tema principal lo ta "Colors Explosion". E tema lo ta basa ariba un fantasia di color di e productonan y companianan di MetaCorp. E idea tras di e grupo pa anochi ta pa bin cu maximo 4 seccion y lo kier bai bek na trece e epoca di gloria di Aruba Tivoli su Lighting Parade cu piezanan completamente dorna na luz cu efectonan special. E massa lo representa e colornan neon berde, oranje, roos, of geel den un diseño unico y innovativo pa Aruba. Cada miembro di masa lo ricibi un entre otro un shoulder piece traha completamente di blaas, saca cu lusnan y efecto neon segun nan escogencia di color di trahe y tambe nan costum y headpiece completamente cordina cu esaki. Luznan den e trahenan obviamente tampoco no lo falta. Pa e paradanan grandi di San Nicolas y Oranjestad Meta Social Club lo presenta e tema "Meta Corp Di Nos E Ta!" Un tema cu lo papia di entre otro e orguyo di tin un compania nacional cu un trayectoria asina impresionante. Un compania cu a crece y bira un di e companianan mas grandi na Aruba, funda y maneha pa yiunan di tera. E tema lo presenta un celebracion di



luho y color di e diferente companianan y diversidad di productonan cu MetaCorp tin pa ofrece. E grupo lo consisti di un total di 8 seccion mas un carosa. E meta principal di e grupo pa paradanan di den dia ta pa trece luho, creatividad, arte, color, ambiente y un show completo pa celebra locual ta di nos. Entre otro lo bo mira road pieces y seccionan cu lo representa Renaissance Hotel y Renaissance Island, Seaport & Crystal Casino, The Cinemas, ATCO Concrete y ATCO Heavy Lift, Ecotech, Ecological Technology, New York Laundry, Renaissance Mall & Market Place, Renaissance Convention Center, Tropical Bottling & Balashi y mucho mas. Pues un despliege di luho cu e toque comercial pa celebra un compania di asina un renombre y trayectoria na Aruba. E massa lo ta di colornan blauw y biña cu ta e colornan oficial di Meta Social Club, cual ta deriva for di e colornan di e compania MetaCorp. E bandanan cu lo forma parti di e grupo lo ta "BANDA DURO" cu nan estelar cantante "Mighty Campo", y BANDA CARIBBEAN PUNCH cu e famoso cantante "Lord

Cachete". Señora Carnaval lo wordo eligi na luna di January entre e empleadonan di tur e departamentonan di Meta Corp durante un actividad cu fecha y ora lo wordo anuncia despues. E reina di Meta Social Club lo wordo corona e mes un anochi aki!

Inscripcion a habri kaba y esaki ta tur promer diaranson y diasabra di luna. E proximonan lo ta juli 3 y 6 - juli 31 y augustus 3 - September 4 y 7. Nos centro di inscripcion pa e proximo 3 lunanan lo ta na KYTE Party Room na Renaissance Marketplace, dilanti di The Cinemas. Riba diaranson nos lo ta habri di 5:30 pm - 8:00 pm y riba diasabra di 11:00 am - 4:30 pm. Bin celebra cu nos Carnaval 60! Pa esnan cu kier mas informacion pa cu participacion den sectionnan por tuma contacto cu John Flemming na 5925391 of Ryan Maduro na 5922156. No lubida di bishita nos Facebook Page - Meta Social Club, akinan lo por aprecia e diseñonan di massa pa paradanan di anochi y den dia, conose mas di Meta Social Club su participacion den Carnaval 60, y pronto tambe lo por tin e oportunidad pa participa pa premio door di



Poets Radio Show BLUE FM 107.5
Dialuna - Diabierna 10:30 am - 12'or pm..

